



Na osnovu zakona o poticaju razvoja male privrede (Službene novine ZDK br. 07/16), Statuta Grada Zenica (Službene novine Grada Zenica, broj 5/15), i Strategije Razvoja općine Zenica 2012-2022 usvojene od strane Općinskog Vijeća 01.12.2011. godine, Grad Zenica raspisuje:

JAVNI POZIV

Za dodjelu sredstava za podsticaj razvoja postojećih mikro, malih i srednjih preduzeća na području Grada Zenica za 2018. godinu

I. PREDMET JAVNOG POZIVA

Predmet Javnog poziva je dodjela bespovratnih finansijskih sredstava za razvoj mikro, malih i srednjih preduzeća iz budžeta Grada Zenica u cilju unapređenja zapošljavanja, poboljšanja opštih uslova za razvoj i konkurentnost malih i srednjih preduzeća, te unapređenja ženskog poduzetništva na području Grada Zenica.

II. NAMJENA I IZNOS ZA DODJELU PODSTICAJNIH SREDSTAVA

Podsticaji su namjenjeni:

1. Za podsticaj razvoja postojećih mikro, malih i srednjih preduzeća na području Grada Zenica i to:

a) Za zapošljavanje novih radnika

- Raspoloživi iznos 100.000 KM
- Aplikant može aplicirati za podsticaj za maksimalno 2 novozaposlene osobe, koje će zaposliti nakon objave ovog Javnog poziva

Iznos podsticaja po 1 novouposlenom (refundacija poreza i doprinosa)			
VELIČINA PRIVREDNOG SUBJEKTA	Osoba bez završene osnovne škole i stečene kvalifikacije	Osoba sa završenim osnovnim i srednjoškolskim obrazovanjem	Osoba sa zvanjima stečenim po programima visokoškolskog obrazovanja
mikro, mali, obrt	Do 3.000 KM maksimalno	Do 4.000 KM maksimalno	Do 5.000 KM maksimalno
srednji	Do 2.000 KM maksimalno	Do 3.000 KM maksimalno	Do 4.000 KM maksimalno



b) Za povećanje produktivnosti i konkurentnosti, nabavku osnovnih sredstava i opreme

- Raspoloživi iznos 100.000 KM
- Aplikant može aplicirati za podsticaj u okviru ove mjere uz uslov da obezbjeđuje dio sredstava kao vlastito učešće za realizaciju ukupne investicije, a prema veličini privrednog subjekta, kako slijedi:
 - Mikro privredni subjekti (fizička i pravna lica koja upošljavaju prosječno godišnje manje od 10 lica i čiji godišnji promet i/ili godišnja bilansa stanja ne prelazi 400.000 KM), traženi iznos podsticaja maksimalno do 50% od ukupne investicije za koju se podnosi zahtjev;
 - Mali privredni subjekti (fizička i pravna lica koja upošljavaju prosječno godišnje manje od 50 lica i čiji godišnji promet i/ili godišnja bilansa stanja ne prelazi četiri miliona KM), traženi iznos podsticaja maksimalno 35% od ukupne investicije za koju se podnosi zahtjev;
 - Srednji privredni subjekti (fizička i pravna lica koja upošljavaju prosječno godišnje manje od 250 lica, čiji godišnji promet ne prelazi 40 miliona KM i/ili čiji godišnji bilans stanja ne prelazi 30 miliona KM), traženi iznos podsticaja maksimalno 20% od ukupne investicije za koju se podnosi zahtjev.

Maksimalan pojedinačni iznos odobrenih sredstava je 5.000 KM, neovisno o iznosu ukupne investicije za koju se podnosi zahtjev.

2. Za podsticaj razvoja ženskog poduzetništva i to:

a) Za zapošljavanje novih radnika

- Raspoloživi iznos 20.000,00 KM
- Aplikantica može aplicirati za podsticaj maksimalno za 1 novozaposlenu osobu koju će zaposliti nakon objave ovog Javnog poziva

Iznos subvencije po 1 novouposlenom (refundacija poreza i doprinosa)			
VELIČINA PRIVREDNOG SUBJEKTA	Osoba bez završene osnovne škole i stečene kvalifikacije	Osoba sa završenim osnovnim i srednjoškolskim obrazovanjem	Osoba sa zvanjima stečenim po programima visokoškolskog obrazovanja
mikro, mali, obrt	Do 3.000 KM maksimalno	Do 4.000 KM maksimalno	Do 5.000 KM maksimalno
srednji	Do 2.000 KM maksimalno	Do 3.000 KM maksimalno	Do 4.000 KM maksimalno



b) Za povećanje produktivnosti i konkurentnosti, nabavku osnovnih sredstava i opreme

- Raspoloživi iznos 20.000,00 KM
- Aplikantica može aplicirati za podsticaj u okviru ove mjere uz uslov da aplikantica obezbjeđuje dio sredstava kao vlastito učešće za realizaciju ukupne investicije, a prema veličini privrednog subjekta, kako slijedi:
 - Mikro privredni subjekti (fizička i pravna lica koja upošljavaju prosječno godišnje manje od 10 lica i čiji godišnji promet i/ili godišnja bilansa stanja ne prelazi 400.000 KM), traženi iznos podsticaja maksimalno do 50% od ukupne investicije za koju se podnosi zahtjev.
 - Mali privredni subjekti (fizička i pravna lica koja upošljavaju prosječno godišnje manje od 50 lica i čiji godišnji promet i/ili godišnja bilansa stanja ne prelazi četiri miliona KM), traženi iznos podsticaja maksimalno 35% od ukupne investicije za koju se podnosi zahtjev.
 - Srednji privredni subjekti (fizička i pravna lica koja upošljavaju prosječno godišnje manje od 250 lica, čiji godišnji promet ne prelazi 40 miliona KM i/ili čiji godišnji bilans stanja ne prelazi 30 miliona KM), traženi iznos podsticaja maksimalno 20% od ukupne investicije za koju se podnosi zahtjev.

Maksimalan pojedinačni iznos odobrenih sredstava je 5.000 KM, neovisno o iznosu ukupne investicije za koju se podnosi zahtjev.

Ukupan iznos javnog poziva je 240.000 KM, od čega:

- 200.000 KM podsticaj razvoja postojećih mikro, malih i srednjih preduzećana području Grada Zenica i
- 40.000 KM za podsticaj razvoja ženskog poduzetništva po prioritnim oblastima.

NAPOMENA

SVAKI PODNOSILAC ZAHTEVA ZA POTICAJ (SUBVENCIJA/REFUNDACIJA) PO OSNOVU OVOG JAVNOG POZIVA MOŽE APLICIRATI SAMO NA JEDNU OD MJERA IZ TAČAKA 1. ILI 2.

Podsticajna sredstva **se mogu koristiti** za sljedeće namjene:

- Refundacija poreza i doprinosa za novozaposlene na mjesečnom nivou;
- Kupovina mašina, alata i opreme za obavljanje djelatnosti (polovne i nove);
- Kupovina odgovarajuće informatičke opreme potrebne za rad;
- Kupovina licenciranih IT programa;
- Kupovina prijevoznih sredstava za prevoz stvari i roba (polovnih i novih neophodnih za obavljanje djelatnosti).



Podsticajna sredstva **se ne mogu koristiti** za sljedeće namjene:

- Kupovina robe/proizvoda za daljnju prodaju;
- Kupovina sirovine i potrošnog materijala potrebnih za obavljanje djelatnosti;
- Kupovina telefonskih i mobilnih uređaja;
- Zakupnina za poslovni proctor;
- Podzakup za poslovni proctor;
- Oglašavanje koje provodi drugi subjekt u ime samozaposlene osobe (oglasnici, Internet, druga pravna lica);
- Pretplate na časopise i stručnu literature;
- Edukacije održane u inostranstvu;
- Troškovi stručnih i drugih ispita potrebnih za oavljanje djelatnosti;
- Komorske i druge članarine;
- Autorski ugovori s drugim osobama;
- Trošak istraživanja tržišta;
- Najam/leasing vozila i opreme;
- Štampanje na reklamne predmete;
- Službena putovanja;
- Trošak goriva, guma, cestarina, naplate parkinga za službeno vozilo;
- Troškovi održavanja, servisiranja, registracije automobile;
- Troškovi premije osiguranja;
- Režijski troškovi poslovnog prostora i priključci energenata;
- Usluge drugih poslovnih subjekata (osim knjigovodstvenih i web usluga).

III. PRAVO UČEŠĆA

Pravo učešća na Javnom pozivu za podsticaj za razvoj mikro, malih i srednjih preduzeća Grada Zenica imaju poduzetnici/e koji imaju status mikro, malih i srednjih poduzetnika, a koji su registrovani za obavljanje proizvodne ili uslužne djelatnosti na području Grada Zenica prije objave ovog Javnog poziva.

Podsticaji se ne mogu odobriti za poljoprivrednu proizvodnju, otvaranje kasina i drugih igara na sreću.

Podsticaje ne mogu koristiti poslodavci koji imaju neizmirene obaveze prema Poreznoj upravi, uz izuzeće poslodavaca koji imaju Rješenje Porezne uprave o reprogramu plaćanja neizmirenih obaveza.

Podsticaje za zapošljavanje ne mogu koristiti poslodavci koji nemaju finansijske izvještaje za prethodnu godinu poslovanja, osim u slučajevima kada je riječ o poslodavcima koji djeluju kraće od 12 mjeseci, a imaju najmanje jednog zaposlenog radnika unazad 6 mjeseci. Takvi poslodavci dostavljaju finansijsku dokumentaciju za razdoblje u kojem su djelovali.

Prednost u odabiru korisnika podsticajnih sredstava imaju poslodavci koji će zaposliti:

- Osobe starije od 40 godina koje su prijavljene u evidenciju nezaposlenih;
- Osobe bez završenog srednjoškolskog obrazovanja prijavljene u evidenciju nezaposlenih;



- Osobe romske nacionalne manjine i ostalih manjina prijavljene u evidenciju nezaposlenih;
- Osobe s invaliditetom.

IV. OBAVEZNA DOKUMENTACIJA

Obavezna dokumentacija za prijavu na Javni poziv:

1. Zahtjev za zapošljavanje novih radnika/ Zahtjev za povećanje produktivnosti i konkurentnosti;
2. Rješenje o registraciji izdato od strane nadležnog organa;
3. Uvjerenje o registraciji poreskog obveznika ID broj i PDV broj;
4. Potvrda o stanju neizmirenih obaveza po osnovu poreza i doprinosa, ne starija od 30 dana;
5. Bilans stanja i Bilans uspjeha za 2017. godinu;
6. Finasijski izvještaj za male obrtnike 2017. godinu - GPD 1051 i SPR 1053 obrazac;
7. Izjava poslodavca (obrazac);
8. Predračun ili ponudu za mašinu, opremu ili software sa uključenom specifikacijom.

Propisani obrasci tražene obavezne dokumentacije za učešće na Javnom pozivu se mogu preuzeti od 22.05.2018. godine na Info pultu Grada Zenice, Trg BiH 6, 72 000 Zenica, svakim radnim danom u periodu od 07:30 do 16:00 sati ili na sljedećim web stranicama: www.zenica.ba i www.zeda.ba.

Svi priloženi dokumenti moraju biti ovjereni kod nadležnog organa. Po potrebi Komisija za dodjelu sredstava ima pravo zatražiti dodatnu dokumentaciju i obrazloženje.

V. PROVOĐENJE POSTUPKA PO JAVNOM POZIVU

Postupak po Javnom pozivu provest će Komisija koju će imenovati Gradonačelnik. Komisija Grada Zenice će izvršiti odabir korisnika prema redoslijedu prispjeća zahtjeva do konačnog utroška predviđenih sredstava. Grad Zenica će sa odabranim kandidatima zaključiti ugovor o dodjeli podsticajnih sredstava kojim će se regulisati međusobna prava i obaveze. Nepotpune i neblagovremene prijave se neće uzimati u razmatranje.

Kontrolu utroška dodjeljenih sredstava će vršiti Komisija za provođenje Javnog poziva, na osnovu dostavljenog Izvještaja o utrošku i pravdanju sredstava (može se preuzeti na Info pultu Grada Zenica ili na web stranicama: www.zenica.ba i www.zeda.ba). Ukoliko Komisija ustanovi da se dodjeljena sredstva troše protivno odredbama zaključenog ugovora, korisnici sredstava će izvršiti povrat cjelokupnog iznosa dodjeljenih sredstava.

Komisija zadržava pravo da izvrši preraspodjelu sredstava koja se dodjeljuju ovim Javnim pozivom, ukoliko ne bude dovoljno aplikacija za neku od ponuđenih mjera.



VI. NAČIN I ROK PODNOŠENJA PRIJAVA

Zahtjev sa obaveznom dokumentacijom se dostavlja u zatvorenoj koverti na Protokol Grada Zenice ili preporučeno putem pošte, na adresu:

GRAD ZENICA

Komisija za provođenje Javnog poziva Grad Zenica

Trg BiH 6
72000 Zenica
Bosna i Hercegovina
Sa naznakom:

**"Prijava na Javni poziv za dodjelu sredstava za podsticaj razvoja postojećih mikro, malih i srednjih preduzeća na području Grada Zenica za 2018. godinu
– NE OTVARATI"**

Na poleđini koverta obavezno naznačiti naziv pravnog lica ili obrta, adresu i kontakt telefon.

Rok za podnošenje prijave na Javni poziv je 15 dan od dana objavljivanja na web stranici Grada Zenica www.zenica.ba i oglasnoj ploči Grada Zenice.

Sve dodatne informacije i pojašnjenja u vezi sa Javnim pozivom se mogu dobiti na sljedećim e-mail adresama: jusuf.brkic@zenica.ba ili edina.hodzic@zenica.ba i na broj telefona: 032/447-691.